

ի նկատի ունենալով որ ձեռնադրուողներից շատերը պարտազանց են զանուամբ հովուել այն ժողովուրդը, որոյ վերայ ձեռնադրուած են, հրամայեց՝ նախ յիշեալ տիրացուին իւր ընտանեօք փոխադրել ըստ թիւի Զլովան գիւղը ի հաստատ բնակութիւն և ապա առաջարկել ի ձեռնադրել քահանայ:

3 հոկտեմբ. Սինօզը ի նկատի ունենալով Երեւանայ Հայոց Կոնսիստորիայի յայտարարութիւնը 15 սեպտ. թ. 2448 թոյլատրեց վերանորոգել Էջմիար գիւղի եկեղեցին, ծախսելով եկեղեցական դրամից 400 ռուբլի, իսկ պակասորդը հոգալ ժողովուրդոց արօք:

11 նոյեմբ. Սինօզը Ազգիս Վեհափառ Հայրապետի Կոնդակի հիման վերայ 19 հոկտ. թ. 1810, կարգեց վանահայր Երնջախու Ս. Կարապետ վանքի, Մայր Աթոռի միաբան Արժ. Եղիշէ վարդապետ Ամատունին, իսկ նախկին վանահայր Ստեփաննոս վարդապետ Խոկանդարեանցին ըստ հաճութեան Նորին Օծութեան, ուղարկեց միաբան Ս. Գեղարզայ վանք:



ՔԱՂՈՒԱԾՔ.

ՀԱՆԳՈՒՑԵԱԼ ԿՈԼԷԺՍԿԻ ԽՈՐՀՐԴԱԿԱՆ

ԳԵՌՈՐԳ ԱԽԷՏԻՔԵԱՆ ՏԻԳՐԱՆԵԱՆՑԻ

ՆՈՏԱՐՈՎ, ՀԱՍՏԱՏՈՒԱԾ ԿՏԱԿԻՑ:

Գ. Կէր. — 21,000 ռուբլին, որ ես պահպանութեան և իւր տոկոսներով աւելանալու համար 10 տարի ժամանակով գրել եմ Ռոստովի (Գոնի վրայ) արքունի բանկի գրասենեակը, որի համար իմ անունովս ունիմ տոմսեր մէկը 1886 թուի սեպտեմբերի 3 ից № 106,667 ով (.5,000 ռուբլու) և միւսը

1887 թուի մարտի 4-ից № 106,677 ով (մնացեալ 6000 ռուբլուն), և 3000 ռուբլի թղթադրամը կտակում եմ Էջմիածնի Հոգեւոր ձեմարանին այն պայմանով, որ այդ ձեմարանում իմ անունով երեք օրգեգիր պահուի...

Գ. Կէր. — 5000 ռուբլին, որ և պահպանութեան և տոկոսներով աւելանելու համար 10 տարի ժամանակով գրեմ եմ Ռոստովի (Գոնի վրայ) արքունի բանկի գրասենեակը, որի համար ունիմ մի տոմս 1887 թուի մարտի 3-ից № 106, 676 - ով, կտակում եմ նոյնպէս Էջմիածնի Հոգեւոր ձեմարանին այն պայմանով, որ նրա տոկոսով հայերէն դասագրքեր տպուին և Էջմիածնի Հայոց Հոգեւոր ձեմարանի կարգադրութեամբ բաժանուին Հայադաւան Հայոց ամենաաղքատ երեխաներին գրքերի վրայ հետեւեալ մակագրով. «տպագրուած է բժ. Գէորգ Աւետիքեան Տիգրանեանի հաշուով ամենաաղքատ հայ մանուկներին ձրիապէս բաժանելու համար»: Այդ գումարը յատկացնում եմ հայերէն լիզուով գրքեր հրատարակելու համար: Հայոց Հոգեւոր ձեմարանը կտակիս այս կէտի հաշիւը տարեց տարի պէտք է հրատարակե Հայոց լրագրում»:

Ե. Կէր. — Ռոստովի (Գոնի վրայ) արքունի բանկի գրասենեակի վերոյիշեալ՝ 1886 թուի սեպտեմբերի 3-ից № 106,667 - ով, 1887 թուի մարտի 4-ից № 106, 667 - ով և նոյն թուականի մարտի 3-ից № 106, 676-ով, նոյնպէս և սոյն կտակի Գ. կէտում նշանակուած է երեք հազար ռուբլով եկեղեցական Հոգաբարձութիւնը տոկոսաբեր թղթեր ձեռք բերելով պէտք է յանձնէ Էջմիածնի Հայոց Հոգեւոր ձեմարանին պահպանութեան և տոկոսներն ստանալու համար:

Զ. Կէր. — Եթէ Նախիջևան քաղաքի (Գոնի վրայ) Աղքատաց Խնամատար Հոգաբարձութիւնը կարեւոր և շահաբեր կը համարէ իմ անուն թողակաւորների համար, իմ Ռոստովի (Գոնի վրայ) արքունի բանկի գրասենեակը գրած 26,000 ռուբլով, հետեւեալ

տոմսերով՝ 1886 թ. սեպտեմբեր 3-ից № 106, 668, 1887 թ. մարտի 3-ից և 4-ից № 106, 676, և 106, 677, տասը տարուան պայմանաժամն անցնելուց յետոյ՝ ինչպէս որ յիշուած է այդ տոմսերում իրաւունք ունի ձեռք բերելու այլ տոկոսաբեր թղթեր, որ ապահովուած են կառավարութեան կողմից (եթէ հարկաւոր է, նոյն իսկ անուանական, իմ անունով), և միշտ տոկոս են բերում, որոնցով կարող լինին անընդհատ ոչ պակաս քան երեք թոշակաւոր ուսանել Էջմիածնի Հայոց Հոգեւոր ձեմարանում ամենաչքաւոր Հայերի դաւակներից և գրքեր տպագրուել հայերէն լեզուով, համաձայն սոյն կտակի Գ. և Գ. կէտերին»:

Է. Եկեք. — «Արեւելեան երրորդ փոխառութեան երկու գրամատոմս (օրլիգացիա), իւրաքանչիւր հազար բուրլիանոց, կտակում եմ որպէս պարգև այն անձին, որ կը կազմէ և կը տպագրէ հայերէն լեզուով հայկական բառերի արմատների մի բառգիրք»:

Ը. Եկեք. — «Արեւելեան երրորդ փոխառութեան երկու գրամատոմս, իւրաքանչիւր հազար բուրլիանոց, կտակում եմ որպէս պարգև այն անձին, որ կը կազմէ և կը տպագրէ հայերէն լեզուով հայկական հոմանիշ բառերի մի բառգիրք»:

Թ. Եկեք. — «Արեւելեան երրորդ փոխառութեան հազար բուրլիանոց սոյն կտակի եօթներորդ կէտում նշանակուած երկու տոմսերի և արեւելեան երնորդ փոխառութեան հազար բուրլիանոց ութներորդ կէտում նշանակուած երկու տոմսերի տոկոսները մինչի բառգրքերի տպագրութիւնը պիտի յաւելացուին այն գումարի տոկոսներին, որ կտակիս չորրորդ կէտի համաձայն նշանակել եմ հայերէն լեզուով գոտագրքեր տպագրելու համար: Արեւելեան երրորդ փոխառութեան հազար բուրլիանոց չորս գրամատոմսերը, որ նշանակուած են բառգրքեր կազմելու համար, իմ մահից յետոյ պիտի յանձնուին Էջմիածնի Հայոց Հոգեւոր ձեմարանին ըստ պատկանելոյն գործադրելու համար: Այդ

պարգևները տալը որոշելն յանձնում եմ Էջմիածնի Հայոց Հոգեւոր ձեմարանին այն պայմանով, որ նա պարգևի համար առաջարկած երկասիրութեանց մասին հարցնէ Ս. Պետերբուրգի Կայսերական համալսարանի և Մոսկուայի Լազարեան ձեմարանի արեւելեան լեզուաց Լիցէոնի հայկաբանութեան պրոֆեսորներին, այլ և այդ բանի համար անհրաժեշտ հմտութիւն ունեցող այլ անձանց կարծիքները, իսկ մրցանակ տալը վճռելուց յետոյ տպագրէ իւր արձանագրութիւնն այդ մասին բոլոր ստացուած կարծիքների հետ միասին»: ԲԺ. Գ. Տիգրանեանի սոյն կտակը հաստատուած է 1894 թ. փետրուարի 17-ին Տագանրոգի նահանգական գաւառաւորում և կտակակատար նշանակուած է Նոր Նախիջևանի Աղքատաց խնամատար Հոգաբարձութիւնը:

ԾԱՆՈՒՅՈՒՄՆ

ՆՈՐԻՆ ՎԵՅՄՓԸՌՈՒԹԵԱՆ ԳԻՒԱՆՆԻՅ:

1. Եկեղեցական — ծխական դպրոցների ուսուցիչներից ոմանք խնդրում են յետ դարձնել իւրեանց ուսման և այլ վկայագրերը:

Այս առթիւ Դիւանն ծանուցանում է, որ առ հոտարակ բոլոր ուսուցչաց վկայագրերը շուտով կուղարկուին Սրբազան Առաջնորդներին իւրեանց տէրերին յանձնելու համար:

2. Դիւանն ծանուցանում է, որ եկեղեցական — ծխական ուսումնարանների վերաբերեալ ամենայն գրութիւն և առաջարկութիւն պէտք է մատուցուին յանուն Նորին Վեհափառութեան, միմիայն Սրբազան Առաջնորդների միջոցաւ:

Ուսուցչաց ընդհանուր ցուցակի մէջ մուծուած են հետեւեալ անձինք.

1. Արրահամ Աղատեան Ե. կարգ
2. Իսաջան Տէր Յովհաննիսեան . Դ. »
3. Թագուհի Արարատեան Ժ. »
4. Նատալիա Նազարեան ԺԱ. »

